

佛說未曾有因緣經卷上

莫八

蕭齊三藏沙門釋曇景第三譯

如是我聞一時佛在舍衛國祇樹給孤獨園爾時世尊告目連連汝今往彼迦毗羅城問訊我父闍頭檀王并我姨母波闍波提及三叔父斛飯王等因復慰喻羅睺羅母耶輸陀

莫八

乙

羅令割恩愛放羅睺羅令作沙彌修習聖道所以者何母子恩愛歡樂須臾死墮地獄母之與子各不相知窈窈冥冥求相離別受苦萬端後悔無及羅睺羅得道當還度母永絕生老病死根本得至涅槃如我今也目連受命即入禪定譬如力士屈伸臂頃到迦毗羅城

淨飯王所而白王言世尊慙慙致問無量起居輕利氣力安不及大夫人波闍波提并三叔父斛飯王等問訊起居亦復如是時耶輸陀羅聞佛遣使來至王所未知意趣即遣青衣令參消息青衣還白世尊遣使取羅睺羅度為沙彌耶輸陀羅聞是消息將羅

睺羅登上高樓約勅監官關閉門閣悉令堅牢時大目連既到宮門不能得入又無人通即以神力飛上高樓至耶輸陀羅座前而立耶輸陀羅見目連來憂喜交集迫不得已即起恭敬禮拜問訊冒涉遠途得無勞也勅為敷座請目連坐問目連曰世尊無恙教化衆

生不勞神也遣上人來欲何所為目連白曰太子羅睺年已九歲應令出家修學聖道所以者何母子恩愛少時如意一旦命終墮三惡道恩愛離別窈窈冥冥母不知子子不知母羅睺得道當還度母永離生老病死憂患得至涅槃如佛今也

耶輸陀羅答目連曰釋迦如來為太子時娶我為妻奉事太子如事天神曾無一失共為夫婦未滿三年捨五欲樂騰越宮城逃至王田王身往迎遠戾不從反遣車匿白馬令還自要道成誓願當歸被鹿皮衣譬如狂人隱居山澤勤苦六年得佛還國都不見親忘忽

恩舊劇於路人遠離父母寄居他邦使我母子守孤抱窮無有生賴唯死是從人命至重不能自刑懷毒抱恨強存性命雖居人類不如畜生禍中之禍豈有是哉今復遣使欲求我子為其眷屬何酷如之太子成道自言慈悲慈悲之道應安樂眾生今反離別人之母

莫八

二

子苦中之甚莫若恩愛離別之苦以是推之何慈之有白目連曰還向世尊宣我所陳時大目連更以方便種種因緣隨宜諫喻反覆再三耶輸陀羅絕無聽意辭退還到淨飯王所具宣上事王聞是已令喚夫人波闍波提王告夫人我子悉達遣目連來迎取羅雲欲

令入道修學聖法耶輸陀羅女人愚癡未解法要心堅意固纏著恩愛情無縱捨卿可往彼重諫喻之令其心悟時大夫人即便將從五百青衣往至耶輸陀羅所住宮中種種方便隨宜諫喻反覆再三耶輸陀羅猶故不聽白夫人曰我在家時八國諸王競來見求父

母不許所以者何釋迦太子才藝過人是故父母以我配之太子爾時知不住世出家學道何故慙懃苦求我耶夫人娶婦正為恩好聚集歡樂萬世相承子孫相續紹繼宗嗣世之正禮太子既去復求羅睺欲令出家永絕國嗣有何義哉爾時皇后聞是語已默然無言不知所云

爾時世尊即遣化人空中告言耶輸陀羅汝頗憶念往古世時誓願事不釋迦如來當爾之時為菩薩道以五百銀錢從汝買得五莖蓮華上定光佛時汝求我世世所生共為夫妻我不欲受即語汝言我為菩薩累劫行願

莫八

三

一切布施不逆人意汝能令者聽為我妻女立誓言世世所生國城妻子及與我身隨君施與誓無悔心而今何故愛惜羅睺不令出家學聖道也耶輸陀羅聞是語已霍然還識宿業因緣事事明了如昨所見愛子之情自然消歇遣喚目連懺悔辭謝捉羅睺手付囑

目連與子離別涕淚交流

爾時羅睺見母愁苦長跪合掌辭謝母言願母莫愁羅睺今往定省卅尊尋爾當還與母相見時淨飯王為欲安念耶輸陀羅令其喜故即時召集國中豪族而告之言金輪王子今當往彼舍婆提國從佛卅尊出家學道煩

卿人人各遣一子隨從我孫咸皆唯然奉大王命即時合集有五十人隨從羅睺往到佛所頭面作禮

佛使阿難剃羅睺頭及其五十諸公王子悉令出家命舍利弗為其和上大目犍連作阿闍梨授十戒法便為沙彌羅睺幼稚習樂傲慢耽著嬉戲不樂聽法佛數告勅恒不從用非可如何

爾時舍衛國波斯匿王聞佛子羅睺出家為沙彌與其羣臣夫人太子後宮媠女婆羅門居士恭敬圍遶於其晨朝來詣佛所禮拜問訊并看佛子羅睺沙彌各一面坐佛為說法

王及羣臣憍傲習樂不堪苦坐聽佛說法辭退欲還

爾時卅尊知王始悟信根未立將欲開悟王及羣臣為利益故告阿難曰汝可往召沙彌羅雲及其眷屬悉皆令集聽佛說法阿難往召須臾皆集佛告王曰且待須臾聽我說法

王叉手曰今我此身習樂來久不堪苦坐願佛垂恕佛告王曰此不為苦所以者何前身種福今為人王常處深宮五欲恣意出入導從脚不觸地何名為苦三界之苦莫若地獄畜生餓鬼諸難等苦如此諸苦前已曾說佛告羅雲佛卅難值法難得聞人命難保得

莫八

四

道亦難子今既得人身值佛在卅何故懈怠不聽法耶羅雲白佛佛法精妙小兒意麁安能聽受卅尊法也前已數聞尋復忘失徒勞精神無所一獲及今少年且放情肆意至年大時自當小基堪任受法佛告羅雲萬物無常身亦難保汝能保命至年大不唯然卅尊

羅雲不能佛豈不能保子命也佛語羅雲我尚不自保豈況汝耶羅雲白佛徒勞聽法既不得道聞法之功何益於人佛告羅雲聽法之功雖於今身不能得道五道受身多所利益如我前說般若智慧亦名甘露亦名良藥亦名橋梁亦名大船汝不聞乎羅雲白佛唯

然世尊時波斯匿王長跪合掌白天尊曰如佛所說般若智慧有四種名其義云何願佛哀愍為我說之

佛告王言欲得聞者著心諦聽吾今說之佛言憶念過去無數劫時毗摩大國徙陀山中有一野干為師子王追逐欲食野干惶怖奔走墮一丘井不能得出經於三日開心分死而說偈言

禍哉今日苦所逼 便當沒命於丘井
一切萬物皆無常 恨不以身餒師子
嗚呼奈何罪厄身 貪惜軀命無功死
無功而死尚可恨 况復臭身汗人水

卷八

五

南無懺悔十方佛 表知我心淨無已
前世所造三業罪 願於今身償令畢
眾罪畢了三業淨 勤心不動念真實
從是世世遭明師 如法修行速成佛
時天帝釋聞佛名 肅然毛豎念古佛
自惟孤露無師導 就著五欲自沉沒

不能得出恩愛獄 思惟感切目下淚
即與諸天八萬眾 飛下詣井欲問詰
乃見野干在井底 兩手攀土不能出
天帝復自思念言 聖人應現無方術
今我雖見野干形 斯必菩薩非凡器
今當請問決我疑 并令諸天得聞法

不聞聖教曠大久 常處幽冥無師導
仁者向說非凡語 願為諸天宣法教
於時野干仰答曰 汝為天帝無教訓
不知時宜甚癡傲 法師在下自處上
都不修敬問法要 法水清淨能濟人
云何欲得懷貢高 天帝聞是大慙愧

給侍諸天愕然笑 天王降志大無利
而被慙恥甚可悼 帝釋即時告諸天
慎莫以此為驚怪 是我頑弊行不稱
必當因是聞法要 即為垂下天寶衣
接取野干出於上 又手辭謝說不是
叩頭懺悔願垂亮 諸天實亦如尊誨
纏綿五欲致迷荒 皆由不遇善師導
為說苦樂常無常 諸天為設甘露食
野干得食生活望 非意禍中致斯福
心懷踊躍慶無量
於是野干心自念言畜生道中醜弊困厄無
過野干智慧力故乃至如是復作是念形殘
之命本非所愛所以稱慶大歡喜者為通化
耳此諸癡天皆蒙帝釋先有般若一毫之分
共相隨來皆欲聞法而自歎言奇哉奇哉何
慰如之今當通化成我功德復作是念今日
之恩莫不由我先師和上慈哀教授智慧方
便功德力乎南無我師南無我師南無般若

莫八

六

南無般若雖復失行生惡趣中猶識宿命知
其業緣般若之力能感諸天降神來下接濟
供養復得通化展我微心時天帝釋告諸天
曰如師言者定欲說法我等今來使得善利
今當人人叩頭丹誠請令說法咸然唯諾即
各修敬偏袒右肩圍遶野干長跪合掌異口
同音而說頌曰
善哉善哉和上野干 唯願說法 開化天人
天人幽冥五欲所纏 恒恐福盡 無常所遷
死墮惡道 求拔良難 從久遠來 數萬億年
今始一遇 良祐福田 唯垂慈哀 宣示法言
天人得福 衆生亦然 願與和上 永劫相連
至成佛道 常作因緣 明人難值 故立誓焉
於時野干見諸天人懇勸勸請樂欲聞法益
加踊躍告天帝曰憶念我昔曾見世人欲聞
法者先敷高座莊飾清淨方請法師登座說
法所以者何經法貴重敬之得福不宜輕心
自虧福也諸天聞已咸言唯諾脫天寶衣積

為高座須臾之間莊校嚴飾清淨第一野干
 昇座告天帝曰吾今說法正當為二大因緣
 故何等為二一者說法開化天人福無量故
 二者為報施食恩故豈得不說天帝白曰免
 非厄難得全身命功報應大尊者云何說法
 報恩不及此耶所以者何一切天下皆樂生

莫八

十

求安無欲死者以是因緣全命之功豈得不
 大野干答曰死生之宜各有其人有人貪生
 有人樂死何人貪生其人生世愚癡幽冥不
 知死已後世更生違佛遠法不遭明師殺盜
 姪欺唯惡是從如是之人貪生畏死何人樂
 死遭遇明師奉事三寶改惡修善孝養父母

敬事師長和順妻子奴婢眷屬謙敬於人如
 斯之人惡生樂死所以者何善人死者福應
 生天受五欲樂惡人死者應入地獄受無量
 苦善人樂死如囚出獄惡人畏死如囚入獄
 天帝問曰如尊所說全其軀命無功夫者誠
 如所言其餘二功施食施法有何功德唯願

說之開化盲冥野干答曰布施飲食濟一日
 命施珍寶物濟一世之增益生死繫縛因緣
 說法教化名為法施能令眾生出世間道出
 世間道凡有三種一者羅漢二者辟支佛三
 者佛道此三乘人皆從聞法如說修行又諸
 眾生免三惡道苦受人天福樂皆由聞法是
 故佛說以法布施功德無量天帝白言師今
 此身為是業報應化身乎野干答曰是罪業
 報非應化也天人聞已肅然驚怖悲哀傷心
 垂淚滿目更起修敬白野干曰我意謂是菩
 薩聖人應現濟物而今方聞罪業果報未知
 其故唯垂哀愍說其因緣

野干答曰欲聞者善吾今說之憶念古世生
 波羅奈波頭摩城為貧家子名阿逸多刹利
 種姓幼懷聰朗好學是欲至年十二追隨明
 師在於深山辛苦奉事研精習學翹勤不懈
 師亦晨夜切磋教授不失時節經五十年九
 十六種經書記論醫方呪術占相吉凶災異

禍福靡所不達高才智德名聞四遠時阿逸多伏自惟曰今日之濟莫不由我尊師和尚教化之恩其功難報家既貧乏無為供養唯當賣身以報師恩作是念已長跪白師弟子今者欲自賣身以報師恩其師答曰山居道士乞食自存正無所乏子今何為毀賣貴身

其八

八

為供我也子今成就智慧辯才當轉教化天下人民為法燈明教化之功豈不足報我之恩也幸可不須餘舉動也時阿逸多既是智人不違師教留住山中乞食自存如是不久國王崩亡羣臣集議宣令國界諸名學士普召使集令共講論誰得勝者當立為王時阿逸多應召來集與諸學士五百餘人七日之中共擷試議無有勝者羣臣歡喜召婆羅門拜阿逸多紹為國王時阿逸多見是事已憂喜交集而作是念若作王者恐有憍溢貪求快意為民致患死入地獄受苦因緣若不為者家貧無祿無以供養報師重恩思計反覆

聽當受之為報師恩并養父母思惟是已享受王位受王位已即遣中臣嚴駕寶車幢幡曲蓋香華妓樂百種飲食就山迎師還國供養別立宮舍七寶廁填彫文刻鏤眾綵雜飾床卧被褥飲食醫藥華果園林流泉浴池莊校嚴好以供養師阿逸多王與國臣民夫人

姝女日日從師受十善法經一百年爾時邊境有二小國其二小王共相怨嫉私立兵馬共相誅伐經於多年各不相得其一國者名安那羅一國者名曰摩羅婆耶安那羅王召諸羣臣集共議言當作何方令得彼國諸日答言阿逸多王出生寒賤雖居王位寒意猶

其八

九

在從昔已來奉持十善不犯外色雖有宮女其年並宿如日計者檢括國中不問豪賤選擇名女足二百人年少端正堪適意者莊嚴香潔遣忠良臣賣持重寶并諸姝女往貢獻之若其納者當從王請強兵百萬助往攻之無往不伏即隨其計各女寶物一時悉辦遣

忠良臣往奉獻之阿逸多王得諸美女及珍
 寶物甚大歡喜問使者言彼王奉我如斯好
 物欲望何報使者白王摩羅婆國是大王所
 統彼王頑鄙不知化度姪亂無道不理國政
 民被其毒視之若怨特從大王請兵百萬助
 往伏之奉獻之誠其正在此王曰甚善即令
 簡閱強兵百萬以送與之安那羅王自簡國
 中得百萬人一時相助鳴鼓往伐百日之中
 鬪戰傷殺人死過半方得勝彼摩羅婆王悉
 被刑斬及其宗族數千萬餘二時傾沒阿逸
 多王既得諸女意迷情感忘失本志奢姪著
 樂不理國政眾官羣僚相與作亂良民之子
 略為奴婢風雨不時飢餓滿道異方怨敵遂
 來侵掠阿逸多王從是失國遂致亡沒從是
 死已生地獄中身被楚毒緣前學問智慧力
 故即識宿命心自悔責改惡修善須臾之間
 地獄命終生餓鬼中復識宿命即復悔過修
 念十善須臾之間餓鬼中死生畜生中受野

干身智慧力故復識宿命改往修來奉持十
 善復行轉教諸餘眾生令行十善近逢師子
 當時怖懼墮丘井中開心分死冀得生天離
 苦受樂由汝接我違失本願方經辛苦何時
 當免是故我說汝濟我命無功夫也天帝難
 曰如尊語者善人求死是事不然何以故師
 在井底若不入衣則不得出若不得出自不
 得生今所緣得生由師入衣是故當知非不
 欲生云何說言不貪生耶野干答曰吾今所
 以入衣之意正為三事大因緣故何謂為三
 一者入衣不違天帝本志願故夫人違志不
 果所願則致大苦施人苦惱在在所生所願
 不果所求不得所向不偶自致苦惱為是等
 故非為生也二者入衣見諸天意欲得聞法
 欲為諸天宣通正法不吝法故如當不說則
 為吝法吝法之罪世世所生聾盲瘖瘂諸根
 閉塞生於邊地癡騃無智雖生好處情頑闇
 鈍所學不成學不成故自致苦惱為是等故

莫八

十

非為生也譬如世人因其前世布施修善福德因緣今生為人所願從心富有財物貧者求乞慳吝吝惜不肯施與慳貪果報生餓鬼中常患飢渴裸形無衣冬時寒凍身體破裂暑時大熱無依蔭處如是苦惱數千萬歲餓鬼罪畢生畜生中食草飲水癡無所知或食泥土汙露不淨飽食罪故受報如是吝法之愆亦如此焉三者入衣正為宣傳通法化耳利益天人令開悟故名為法施功德無量為是等故非求生也天帝問曰教化之功其福云何唯願說之野干答曰宣傳正化能令眾生知死有生作善獲福為惡受殃修道得道緣是功德轉身所生智慧明了常識宿命若生天上為諸天師若生世間為金輪王常以十善教化天下若為人王治以正法常識宿命識宿命故心不放逸人居尊寵受五欲樂多有魔事來相沮壞令人意惑造起惡業雖復失行受惡報時智慧力故速得免苦生天

其八

十一

福樂智慧光明漸漸增長成菩薩行至無生忍是故佛說教化之功其福無量天帝喜曰善哉善哉誠如尊教我等諸天今自始知財施法施功德因緣差別之相其財施者譬如十燈明小室中其法施者猶若日光照四天下隨所行處能除闇冥所以者何日性自明

故能照物和上今者亦復如是本修習故智慧明了復以慧明除眾生闇於時天帝說是語已八萬諸天咸然起立正服修敬長跪合掌白野干曰願尊垂愍授十善法多所饒益利安眾生亦令和上功德轉增答曰善哉宜知是時告天帝曰受戒之法先當懺悔淨身

口意何謂身業殺盜邪淫何謂口業妄言兩舌惡口綺語何謂意業嫉妬瞋恚慢邪見是為十事禁身口意業不犯眾惡名為十善恣身口意造眾惡業名為十惡一心丹誠悔除十惡十惡滅故身口意淨三業淨故名為十善天帝問曰十善之功德報云何野干答

日曾聞師說人行十善十善果報生六欲天
 七寶宮殿五欲自然百味飲食壽無量命父
 母妻子六親眷屬端正淨潔歡喜使樂假令
 諸天持十善者天上福盡還生天中福報轉
 勝不同世人十善報也所以者何世人修善
 心道三戒難可護持不瞋戒者先須方便行

於慈心然後能得成不瞋戒世人行慈難得
 久停如刀破水隨破隨合持不瞋戒亦復如
 是嫉妬戒者發有時節云何時節見他得利
 見他快樂見他端正見他勇健見他聰明見
 他修福以要言之一切勝事爾時其心方生
 嫉妬是故當知嫉妬之心發起有時其憍慢

心起亦有時見愚癡者心起憍慢見醜陋人
 見不淨人見貧窮人以要言之瞽盲跛僕諸
 根不具夷蠻胡虜憍慢之心見時方起是故
 當知不憍慢戒發起有時是故世人心戒難
 持雖復強持乍得乍忘是故世人十善果報
 雖受天福不如諸天十善功德光明神力食

莫八

十一

祿相好巍巍第一識宿命事皆亦是是故
 當知天人修行十善果報勝於世人天帝白
 曰如尊所說人行十善心道三戒難為護持
 天人亦亦嫉妬瞋恚憍慢邪見如是等心夫
 嘗不有云何福報勝世人耶野干答曰天人
 雖有不同世人所以者何天人福德苦少樂

多煩惱心輕世人薄福樂少苦多煩惱心重
 天帝白曰諸天昔來習樂心鹿猶若獲猴今
 持十善後脫廢忘虧犯之時當云何也野干
 答曰曾聞師說人行十善若有犯夫行惡業
 者當就賢明福德之人隨所犯事發露懺悔
 更從受之如是行者不失戒也所以者何十

善戒者譬如穀苗煩惱如草草與穀苗互共
 相妨欲長苗故當除草穢穀苗淨故收實必
 多穀實多故終無飢乏余時天帝及八萬諸
 天聞是事已甚大歡喜不復憂慮福盡無常
 受惡趣報復自惟曰行善功德雖無苦報然
 有生死不免無常兼有他化自在天王見人

修福心懷嫉妬爲作留難忘失善道令造惡業惡業因緣應受苦報白野干曰修何功德常得不死不令魔王所惑亂也野干答曰曾聞師說發菩提心修菩薩業魔王波旬不能沮壞心不惑故在在所生智慧明了慧明了故常識宿命識宿命故不起惡業心清淨故

莫八

十三

得無生法忍無生法忍故於道不退遠離生死憂苦惱患天帝白曰修菩薩道應行何法野干答曰曾聞師說求佛道者從源而起先當廣學諸法因緣解因緣故信心堅固信根立故能起精進精進力故不起一切惡業因緣純善之心無放逸故智慧成就智慧力故

摠攝一切三十七品助菩提道天帝問曰如尊教者三十七品其義弘深非是龐懷卒能得了云何得入菩薩道行野干答曰曾聞師說修菩薩道者先以方便調伏諸根何謂方便謂六波羅蜜四無量心是名方便調伏諸根天帝白曰六波羅蜜其義云何唯願說之

野干答曰第一布施破慳貪心無遺惜故二者守善不行惡故三者遭逢惡事心能堪忍不懷報故四者精進修行道業不懈退故五者收攝其心不邪念故六者修習智慧照除煩惱無明闇故是則名爲六波羅蜜方便之力調伏諸根復有四事調伏諸根何謂爲四

一者慈心二者悲心三者喜心四者捨心是爲四事名無量心天帝問曰云何行慈野干答曰見苦厄人當起慈心爲作救護皆令得所何謂爲悲見諸衆生無明愛故造生死業五道受苦不能自免是故我今不應懈怠當勤精進修習智慧速成佛道得佛道已當以智慧光明照除衆生無明黑闇令見大明免衆苦縛雖未成佛凡所施爲一切善業迴施衆生令得安樂衆生有罪我當代受是名悲心何謂爲喜若見世人修行善業求三乘果勸助隨喜見受樂人心亦隨喜見端正人見勇健人見富貴人見智慧人見慈心人見孝

順人以要言之一切善人勸助隨喜是為喜
心何謂為捨凡所施為一切功德行恩於人
不望現報不望生報不望後報是名為捨成
就四事名四無量心眾生無量故慈心無量
眾生無量故悲亦無量眾生無量故喜亦無
量眾生無量故捨亦無量是故名為四無量

莫八

十四

心連前六度名十波羅蜜十波羅蜜揔攝一
切菩提道行時天帝釋問野干說十善行法
功德因緣復聞菩薩行菩提道因緣義趣疑
網結解歡喜踊躍充遍其身即與八萬侍從
諸天更起修敬叉手合掌白野干曰弟子今
日八萬諸天一心同時發菩提心如和上說

菩薩道行當具奉行唯願和上隨喜聽許野
干答曰宜知是時斯則是其本心所望於時
天帝白野干曰和上飲食法用云何唯願教
示當設供養野干答曰其所食法不中人聞
阿以故罪業因緣所食之物極是不淨形似
畜生不異餓鬼幸不須問其所食物天帝白

曰和上飲食好亦當示惡亦當語弟子今當
隨所便宜施設供養野干答曰常食師子虎
狼屎屎及食塚間死人骸骨弊衣皮革脫不
能得如斯之食飢窮所逼亦食泥土罪苦果
報從生至死雖食不淨未曾充飽時天帝釋
及諸天眾聞野干說飲食之相悲哀感結涕

淚傷心白野干曰弟子意欲施設供養如師
言者所願不果非可如何今還天宮當作何
方報師重恩野干答曰汝等今者從我聞法
還於天上展轉教化開悟諸天不問男女乃
至一人令信受行非但報我亦報一切諸佛
之恩隨所教化而自增長諸天福德何況教

莫八

十五

化開悟多人功報無量諸天起立白野干曰
弟子之徒今還天宮未審和上何時當捨此
罪報身得生天堂得相見也野干答曰限至
七日當捨罪身生兜率天汝等便可願生彼
天何以故兜率天中多有菩薩說法教化為
諸天人求佛道故天帝白曰如尊教者弟子

眷屬於初利天福盡命終皆當生彼兜率陀
天與師相見奉侍教授誓如今也說是語已
以天華香散野干上於是別去諸天去已於
時野干不離本座一心專念十善行法不行
求食七日命終生兜率天為天王子復識宿
命復以十善教化諸天

佛告王曰爾時野干即我身是時天帝釋舍
利弗是時阿逸多教授大師憂波達者彌勒
是也八萬諸天者今娑婆國土八萬菩薩不
退者是

佛告大王憶念往昔從初發意修菩提行乃
至無生於其中間常與彌勒舍利弗不為求
法故勤加精進不顧軀命追逐明師親近奉
侍研精學問成就智慧智慧力故於五道中
隨所生處教化成就無量眾生令得度苦至
今成佛皆由般若智慧方便斷除一切結習
因緣成等正覺復以智慧於娑婆國土教化
眾生成三有苦是故我說般若智慧有四名

義時波斯匿王及其眷屬聞佛說已心意開
解更起作禮歡喜踊躍侍立合掌而白佛言
世尊今來見佛快得善利聽佛說法不知疲
懈所以者何世尊先說四真諦法十二因緣
出世間道情根鈍故慌慌不解以不解故身
體疲倦今聞佛說菩薩行法雖未全解心甚

愛樂渴仰欲聞情無厭足弟子今欲發菩提
心求無上道唯願世尊哀愍聽許教示菩薩
所行法度當如說行

佛告王曰菩薩行法如上所說身口意業十
善道行十波羅蜜摠攝一切助佛道法汝能
行乎王曰如世尊說十善行法心道三法難

真八

十六

得護持當云何受令不漏失

佛告王曰世人心應譬如猿猴為諸煩惱風
所動轉是故欲行十善道者不得遲久欲修
十善當限三時何謂三時從晨至食名為上
時經一食頃名為中時行百步時名為下時
受十善法隨其所堪於一時中將護其心堅

持三戒無令漏失是則名為修行十善王曰
如世尊說限三時持十善行者其功蓋微云
何生福

佛告王曰人修十善時節雖促功報彌廣何
以故心道三戒難守護故雖少時持果報無
量譬如有入於百年中積聚薪草以火焚之

須臾滅盡是故當知少時修善能滅無量惡
業重罪又如鑽火加勤用力須臾得火火之
功力能燒天下草木叢林傾盡乃息大王當
知人修十善亦復如是須臾之功能滅無量
惡業重罪能令行者起菩提芽萌芽成故漸
漸增長至成佛果王聞是已更起作禮甚大

欣慶得未曾有白世尊曰弟子今者大得善
利所以者何聞世尊說修十善道功德因緣
能令衆生成菩提芽弟子今者志樂菩提當
勤修行心不退却佛說是時隨從王者羣臣
吏民後官夫人四部弟子天龍鬼神人非人
等五千餘人皆發無上菩提道意

莫八

十七

爾時波斯匿王國大夫人出入行來常使四
人名扇提羅最大筋力扇提羅者漢言石女
無男女根故名石女
令此四人擔皇后舉皇后所乘七寶輦舉留
在祇桓精舍門外勅諸黃門令守護之黃門
轉令四扇提羅守夫人舉其身自往佛邊聽
法扇提羅等各於舉下睡眠不覺時有凶人
偷取夫人珍寶輦舉一摩尼珠爾時黃門暫
出看舉不見寶珠心中惶怖懼夫人責問石
女言使汝守舉何故偷珠各各答言實不偷
也黃門大怒鞭打石女苦痛徹骨時有一石
女自知不偷橫受楚毒奔走逃突入精舍中
稱怨大喚大衆皆聞莫知所由

佛語阿難汝可出往彼黃門所無令橫鞭無
過之人何以故此四石女者乃是皇后前世
之師自無過罪何以橫鞭自造後世惡業因
緣是時皇后聞佛此語即起恭敬合掌白佛
如世尊說四擔舉石女乃是皇后前世時師
迷意不解唯願世尊說其因緣令諸會衆普

